

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. प्रधानमंत्री नरेन्द्र मोदी होर सैन्ट्रल विस्टा पुनर्विकास दे इक हिस्से दे तौरा पर अज्ज कर्तव्य भवन दे त्रीए हिस्से दा उदघाटन करगंन।
2. मुखमंत्री उमर अब्दुल्ला होरें विधायकें आसेया उजागर जनता दियें चिंताएं ते विकास मंगें पर तुरत कारवाई दा भरोसा दोआया ऐ।
3. मुख सचिव अटल डुल्लु होरें जम्मू-कश्मीर च रोजगार सृजन स्कीमें दी कारकरदगी ते अरसर दा समीक्षा कीती।
4. गुरेज घाटी दा चोरवन ग्रां च अज्ज शुरु होआ रदे राष्ट्रीय जनजातिय उत्सव लेई पूरी चाली त्यार।
5. ते ग्रामीण विकास ते पंचैती राज मैहकमे नै साफ कीता ऐ जे पंचैती चुनाएं लेई कोई अधिसूचना जारी नेही कीती गेदी, सोशल मीडिया च चला रदे फर्जी आर्डर बारे बी सोहगा कीता।

हून खबरें दी तफसील कन्नै विजय बजाज।

<><><><><><>

PM Kartavya Bhawan

प्रधानमंत्री नरेन्द्र मोदी होर अज्ज नमीं दिल्ली च कर्तव्य पथ पर कर्तव्य भवन-3 दा उदघाटन करगंन। इस मौके पर ओ इक सार्वजनिक कार्यक्रम दौरान भाषण बी देगंन। सैन्ट्रल विस्टा दे बड़्डे पैमाने पर बदलाव दे इक हिस्से दे तौर पर कर्तव्य भवन-3 दा निर्माण कीता गया ऐ। ओ औने आले समें च बनाए जाने आले केंई सारे सामूहिक केन्द्रीय सचिवालय भवनें च पैहला ऐ, जिन्दा मकसद प्रशासनिक प्रक्रियाएं गी व्यवस्थित करना ते शासन गी चुस्त ते मता सक्षम बनाना ऐ।

<><><><><><>

कैई सारे विधायकें कल श्रीनगर आले नागरिक सचिवालय च मुखमंत्री उमर अब्दुल्ला हुंदे कन्नै मलाटी कीती ते सार्वजनिक हितें सनें विकास बाददे आले कैई मामलें उन्दे अगगे रखे जिन्दे च ढांचागत सहूलतें च सुधार, सेवाएं दी दस्तयाबी आली प्रणाली च बेहतरी ते कल्याणकारी योजनाएं दी बेल्ले सिर अमलावरी मुख ही। विधायकें तोषामैदान ते दुधपत्थी आली सैलानी थाहरें गी तौले खोले जाने दी गुजारिश कीती तां जे मुकामी लोकें गी रोजी रूटी कमाने दे मौके हासिल होई सकन। विधायकें बिजली दा बकाया माफ करने आली योजना दे विस्तार लेई मुखमंत्री हुंदी सराहना कीती ते इसी बिजली उपभोक्ताएं लेई बड़ी बड्डी राहत करार दिता। मुखमंत्री होरें विधायकें आसेया पुट्टे गेदे मामलें पर फौरी कारवाई दा यकीन दोआंदे होई समग्र विकास लेई जतनें दी जरूरतें पर जोर पाया। तौआई मुखमंत्री होरें एदे शा पैहले जम्मू च राई-बाई सरबन्धी भलेयां अज्जै-कल्लै दी परियोजनाएं दा शुभारम्भ कीता जिन्दा मकसद करसानें गी होने आले नुकसानें गी घट्ट करना ते उनेंगी सशक्त बनाना ऐ। इस मौके किट्ठै अगगे भाषण दिंदे होई मुखमंत्री होरें आखेया

<><><><><><>

CS Employment

मुख सचिव अटल डुल्लु होरें जम्मू-कश्मीर च रोजगार पैदा करने आली योजनाएं दी अमलावरी दा जायजा लैने आस्ते इक उच्ची सतह दी बैठक लाई। इस मौके पर उनें खेतर दियें बक्ख-बक्ख योजनाएं गी इक सांझे डिजिटल प्लैटफार्म पर आनने दी जरूरतें पर जोर दिता ते आखेया जे एदे नै पारदर्शिता यकीनी बनोग ते लाभार्थियें लेई बी मती सखाल होग। बैठक दौरान जेड़ी मुख योजनाएं दी समीक्षा कीती गई उन्दे च उम्मीद-आप सहायता समूह, प्रधानमंत्री रोजगार सृजन प्रोग्राम, जम्मू-कश्मीर ग्रामीण रोजगार सृजन प्रोग्राम ते मिशन यूथ दिया बक्ख-बक्ख पैहलकदमियां शामिल हियां। मुख सचिव होरें सरबन्धित मैहकमे गी निर्देश दिता जे ओ बैंके कन्नै राबते तगड़े बनान ते बक्ख-बक्ख योजनाएं तोड़ी पुज्ज लेई इक सांझा आवेदन फार्म तयार करन। मुख सचिव होरें केन्द्र शासित प्रदेश च इक तगड़ी ते पारदर्शी स्वरोजगार प्रणाली लेई सांझे जतनें दी जरूरतें पर जोर दिता।

<><><><><><>

Tiranga Yatra

जम्मू दे डिविजनल कमीशनर रमेश कुमार ते IGP भीम सैन टुटी होरें जम्मू संभाग च जारी हर घर तिरंगा अभियान ते तिरंगा यात्रा लेई तयारियें दा जायजा लैता ऐ। बंदोबस्तें गी मुकदा रुप देने लेई सद्दी गेदी इस बैठका च CRPF, ट्रैफिक, शिक्षा, सेहत ते होरनें बक्ख-बक्ख मैहकमे दे अधिकारियें हिस्सा लैता। जम्मू च तिरंगा यात्रा दा आयोजन औंदी 12 अगस्त गी गुलशन ग्राउंड थमां लेइयै महाराजा हरि सिंह पार्क तोड़ी कीता जाग। तौआई हर घर तिरंगा अभियान दा जश्न मनाने लेई जम्मू खिते दे बक्ख-बक्ख जिलें च कैई कार्यक्रमें दा आयोजन कीता जा रदा ऐ। डोडा जिला प्रशासन आसेया भद्रवाह च कड्डी गेदी इक बड्डी तिरंगा रैली च सैकड़ां बद्धे लोकें हिस्सा लैता जिन्दे च विद्यार्थी, NCC, कैडेट, जन-जातिय समुदाय दे लोक ते वरिष्ठ नागरिक बी शामिल हे। इस मौके अपने विचार सांझे करदे होई किश लोकें आकखेया.....(बाईट)

<><><><><><>

Police Iday Security

आजादी आहले ध्याड़े कोला पैहले जम्मू-कश्मीर पुलसै समूलचै केन्द्र शासित प्रदेश च सुरक्षा बवस्था निगगर करी दिती दी ऐ। औने जाने आहले प्रमुख ते महत्वपूर्ण थाहरें पर नाके लाए गेदे न जित्थे गड्डियें दी जांच कीती जा रदी ऐ ते लोकें दी शनाखत दी बी तस्दीक कीती जा रदी ऐ। इनें प्रबंधें दा मकसद राष्ट्रीय ध्याड़े दे आयोजन गी पूरी चाली कामयाब, रमानदार ते बवस्था आहले ढंगै सिर तोड़ चाढ़ना यकीनी बनाना ऐ। पुलसै आम जनता अगगे बी अपील कीती ऐ जे ओ इस दौरान पूरी चाल्ली सोहगे सतर्क रौहन ते कनून बवस्था बनाई रखने च पुलस ते प्रशासन दा सहयोग करन। डोडा मुख्यालय च DSP अजय आनंद होरें इस बारे जानकारी सांझी करदे होई दस्सेया

<><><><><><>

ते हुन बाकि दिएं खबरें कन्नै जगमोहन शर्मा।

National Tribal Festival

गुरेज घाटी दा चोरवान ग्रां दंडु दिनें दे राष्ट्रीय जनजाति उत्सव दी मेजबानी लेई पूरी चाली तयार ऐ। पूरे ग्रां गी इस उत्सव लेई सजाया गेदा ऐ ते लकड़ी कन्नै बने दे तकरीबन 2 सौ पारम्परिक घर परौहने दे सोआगत आस्तै तयार न। जनजातीय मामलें सरबन्धी मंत्रालय नै इस उत्सव लेई लोड़चदे सब्भै बंदोबस्त कीते दे न। लोकें गी एह साद्दा दिता गया ऐ जे ओ लोक-संगीत, पारम्परिक नाच, मकामी हत्थ-खड्डी उत्पादें ते इलाके दे मकामी खानपान दे राएं भारत दी समृद्ध जनजातीय विरासत दा अनुभव इस उत्सव दे राएं हासिल करन। गुरेज घाटी च आयोजित होने आला ए पैहला जनजातीय उत्सव होग ते इस दौरान मकामी लोक बड़े मान कन्नै अपनी समृद्ध विरासती ते परोहनाचारी दा प्रदर्शन करगंन। किश मकामी लोकें दा इस सरबन्धे च आक्खना ऐ

Panchayat Election Fake

जम्मू-कश्मीर दे ग्रामीण विकास ते पंचायती राज विभाग नै एह साफ कीता ऐ जे औंदे नवम्बर महीने प्रदेश च पंचैतें दे चुना करोआने बारे जेड़ा सरकारी हुकम आला दस्तावेज सोशल मीडिया पर सांझा कीता जा रदा ऐ ओ फर्जी ऐ। अधिकारियें इस गल्लै दी तस्दीक कीती ऐ जे ऐसा कोई बी हुकम जारी नैई कीता गेदा ऐ ते स्टेट इलैक्शन कमीशन आसेया गै पंचैती चुनाएं बारे ऐलान कीता जाग। लोकें गी सोहगा कीता गया ऐ जे ओ गलत जानकारीयें दा प्रसार नैई करन, कीजे फर्जी दस्तावेज सोशल मीडिया पर साझा करना, कन्नू तैहत दंडने-जाग अपराध ऐ। नागरिकें गी गुजारिश कीती गेई ऐ जे ओ इस किस्मै दी जानकारी लेई छड़ा सरकारी सूत्रें पर गै भरोसा करन। सख्त लैहजे च ए चेतावनी दिती गेई ऐ जे फर्जी हुकम आला दस्तावेज बनाने ते इसी सोशल मीडिया पर सांझा करने आलें खिलाफ सख्त कारवाई कीती जाग।

Army Ceasefire

भारतीय फौज नै साफ कीता ऐ जे कब्जा रेखा पर पाकिस्तान दी तरफा संघर्ष विराम दी खिलाफवर्जी नैई कीती गई ऐ। फौजा दा एह स्पष्टिकरण ओकड़ी मीडिया रिपोर्टें दी पछोकड़ै च आया ऐ जिन्दे च एह दावा बनेया जा रदा हा जे पुंछ सैक्टर च पाकिस्तान दी तरफा संघर्ष विराम दी उल्लंघना कीती गई ऐ। फौज नै इनें रिपोर्टें गी गलत ते बेबुनियाद करार दिता ऐ।

<><><><><><>

Akansha Hatt Ramban

हफ्ता भर चलने आहले सम्पूर्णता अभियान सम्मान समारोह दे हिस्से दे तौरा पर रामबन जिले च आकांक्षा हाट कार्यक्रम दा सरिस्ता कीता गया। इस मौके बक्ख-बक्ख ब्लाकें थमां आए दे आप-सहायता समूहें आसेया लाए गेदे पंडालें च इलाके दी सांस्कृतिक ते रिवायती बनसब्बता गी बड़ै गै दिलचस्प तरीके कन्नै दर्शाया गेदा ऐ। इस आयोजन दा मकसद ग्रामीण महिलायें गी उन्दे आसेया तयार माल समेयान गी सारें सामने आहन्ना ते उन्दी बजारे तगर पुज्ज गी यकीनी बनाना ऐ तां जे उन्दे समेयान दी बिक्री दे होर बी रस्ते खुल्ली सकन। आप सहायता समूहें दे इलावा कैंई मैहकमे, जिन्दे च बागवानी, राई-बाई, सेहत, मच्छी पालन, सोशल फारेस्ट्री, हत्थ-खड्डी बगैरा शामिल न, नै बी अपने स्टाल लाइयें एदे च शिरकत कीती जेदे नै महिलायें दी आत्मनिर्भरता गी ते कन्नै मकामी अर्थव्यवस्था गी बी बढ़ावा थोआ करदा ऐ। इस बारे गल्ल करदे होई रामबन दे मुख योजना अधिकारी डाक्टर शकीब अहमद राथर

<><><><><><>

Read by: Jagmohan Sharma and Vijay Bajaj

D.E.O : Rajni Devi

Editor : Abhilasha Sharma